



Broj: 06-04-20-4335-7/21
Maglaj, 01.02.2021. godine

Na osnovu član 70. stav 4. u vezi sa članom 69. stav 3. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), u postupku „Nabavka i isporuka goriva“, Načelnik općine donosi

ODLUKU

o poništavanju postupka javne nabavke

I

Poništava se postupak javne nabavke Konkurentski zahtjev za dostavljanje ponuda „Nabavka i isporuka goriva“, koji je objavljen na Portalu javnih nabavki Obavještenje o nabavci broj 1140-7-1-65-3-47/21 od 12.10.2021. godine i 25.10.2021. godine, iz razloga što su u tenderskoj dokumentaciji „Nacrt ugovora“ u članu 2. i 3. načinjene greške, zbog čega se u ugovoru koji bi bio potpisan sa odabranim ponuđačem nije mogla primijeniti cijena postignuta e-aukcijom.

II

Za realizaciju Odluke zadužuju se Služba Općinskog načelnika i Općinskog vijeća.

III

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka broj: 06-04-20-4335/21 od 11.10.2021. godine pokrenut je postupak javne nabavke: „Nabavka i isporuka goriva“.

Odbaran je konkurentski zahtjev za dostavu ponuda, te objavljen na Portalu javnih nabavki Obavještenjem o nabavci broj: 1140-7-1-65-3-47/21 od 12.10.2021. godine i 25.10.2021. godine.

U predmetnom postupku je Odlukom broj: 06-04-20-4335-4/21 od 12.11.2021. godine, a koja je postala pravosnažna, izvršen odabir ponude ponuđača „Sjaj Petrol“ d.o.o. Maglaj, kao najpovoljnije ponude, nakon čega je sa odabranim ponuđačem trebalo zaključiti ugovor o isporuci goriva.

U postupku izrade ugovora o isporuci goriva, ugovorni organ je utvrdio greške u tenderskoj dokumentaciji, na način da je u tekstu članova 2. i 3. ponuđenog Nacrta ugovora utvrđeno da će se ugovor zaključiti po cijeni iz ponude, te nije ostavljena mogućnost da se primjeni cijena postignuta e-aukcijom.

Uzimajući u obzir da je članom 3. stav 1. Zakona o javnim nabavkama („Službeni glasnik BiH“ broj 39/14) kao jedan od općih principa javnih nabavki definisano efikasno trošenje javnih sredstava, a članom 10. Pravilnika o uslovima i načinu korištenja e-aukcije („Službeni glasnik BiH“, broj 66/16) propisana obaveza ugovornog organa da za postupke javne nabavke, kod kojih se koristi najniža cijena kao kriterij za dodjelu ugovora, predvidi provođenje e-aukcije te posljedično tome i ponudeni ugovor zaključi po cijeni postignutoj e-aukcijom, u predmetnom postupku valjalo je odlučiti kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem Ugovornog organa: Općina Maglaj, u roku od 5 dana od dana prijema iste.

Žalba se podnosi u 3 (tri) primjerka, neposredno Ugovornom organu u pisanoj formi, direktno ili preporučenom poštanskom pošiljkom.

Obradivač:

Ramiza Šišić

DOSTAVLJENO

1. Ponuđači-putem maila
2. Služba Općinskog načelnika i općinskog vijeća
3. Arhiva



NAČELNIK OPĆINE
Mirsad Mahmutagić